



G U E R Z.

*Var sujet un Den Yaouanc a voa deut da basa
pêvar scoët goude e varo.*

SPERET-SANTEL, anflamit va speret,
Da gana ur c'hantic evit ar Vretonet,
Var sujet un exempl pehini so âruet.
Ebars en Breiz-Izel, e mis Du tremenet.

Crena-ra va c'halon ive va oll memproù,
Va daoulagad ne reont nemet scuilla daelou,
O tont da gonsideri peguen trist eo ar matier:
Goulen a rân sicour eus ar Verc'hes santel.

Un den yaouanc, siouas, voa n'em abandonet,
Goude ma voa maro e dud gant ar c'hlénved,
A voa n'em abandonet da bep seurt tristidiguez,
Da bepsort tristidiguez, da bepsort paourentez.

Evel ma voa yaouanc, ne grede clasq netra:
Tud vad dre charite, a gasse tamou dezâ;
Evel ma voa yaouanc e teujont d'er scandalat,
Pa ne gare sevel ha mont da labourat.

Souffr a ra mil injur gant guir baciantet,
O laqat e fizianç er Verc'hes beniguet,
Dre m'en devoa e imach hac hini ar bassion,
Ha ma rê diraze bemdez e orêson.

Un ozac'h eus arc'hontre, un den eus arc'harter
 A deuas d'e velet, o clêvet e viser,
 En eur lavarat dezàn : deus d'am zi da labourat;
 Ar paour-qès a respontas : ne meus qet a zillad.

Gouzout a ràn certen labourat an douar;
 Mes, allas! eme'r paour, ne meus na pal na mar;
 Pêvar scoët a vancse din evit en em eqipa,
 Me a yêlo d'ho ty sur evit ho paea.

An ozach var ar guir a ro ar pêvar scoët,
 O lavarat dezàn : Va mignon, ne vanq qet,
 En ur lavarat dezàn : Deus d'am zy da labourat
 Pa po bet pal ha mar ha prenget da zillat.

Monet a reas d'e dy, ma voe ur pennad mat;
 Plijout a rê deze certen da labourat;
 Un deiz dreist ar re all e voent meurbet estonet
 O sonjal er paour-qès pelec'h e voa chommet.
 Ma ejont da velet, ma voe cavet maro
 Ebars en e gampric var un dornad colo.

Lienet voe e gorf evit beza intêret,
 Ar brud a savas prest, ma teuas tud d'e velet;
 A den-mâ, a deuas ive evel m'oa deus arc'hanton,
 A deuas d'e velet. O Doue, pebes eston!

Pa zortî eus an ty, d'an dud e lavare;
 Orato hirvigen e ene ne antre
 En barados Doue, qen en devezo paet
 Ar pezh a rois dezàn neus qet pell pêvar scoët.

Dre ar c'homzou terrubl pere a brononças,

N'oun penaus an douar d'e longa na zigoras,
 Oc'h arrêti un ene a voa o vont d'ar joayou,
 A vije recevet gant Jesus en êvou.

Ar Verc'hes gloriou Vari, dre ma voa dei fidel,
 A accordas ur mennat evit he servicher,
 Ma teuje var an douar un instant da labourat,
 Evit monet d'an ty da baea ar barbar.

Monet a ras d'e dy ha ma voa recevet;
 Goulen a ra labour, ma voe dezàn roet,
 Labourat a ra er parc qement hac an tri guella.
 Ar pez zo estonus, hep debri nac eva.

Pa zeu coulz ar repas, caer e vije'r pedi
 Evit monet gante assambles da zêbri,
 En em denne a goste, hac eno var e c'hinon
 En em string d'an douar evit souffr e boaniou.

Dont a ra'n usuiller, qemer a ra eston,
 Hac én monet ractal da laret d'ar person
 En devoa ul labourer hac a rê qement ha tri,
 Ar pez so estonus, hep eva na debri.

Ma, eme ar Person, continuït bepret,
 Bremà souden vatant me yêlo d'e velet.
 Pa êruas er parc, dre bermission Doue,
 E hanavezas pront penaus voa un ene.

Me conjur, eme'r person, lavar d'n, meaped,
 Ne get hirio eiz de em boa da gorf entêret?
 Petra a zefot dide? petra a glasques amâ?
 Petra a zefot dit evit da zeliyra?

Pêvar scoet am boa bet digant mestr an ty-mâ,
 On deut dre vouir voyen sur evit o faea :
 Oh! elec'h pêvar, eiz certen a vezo roet,
 Ur veach, ene paour, qen a vi delivret.

Ne meus qet ar pouar da antren er joayou,
 Nemet gant va Æl-mat e clêfen ar c'hêlou ;
 Pedit Doue evidon, me a za prest d'an êvou ;
 Varc'hoas d'ar memes heur me rento ar c'hêlou.

Dont a ra ar Person da zigas an arc'hant,
 Ma vije delivret a boan hac a dourmant.
 Me, eme an ene, am boa-int bet digantàn ;
 P'oc'h eus ar vadelez, me o rento dezàn.

Pa astennas e zorn da guemer an arc'hant,
 E santas an ardeur, e boan hac e dourmant,
 Evrec'h deo betec e scoa en instant a voe dêved,
 An-arc'hant eus e zorn d'an douar zo quezet.
 Adieu, Autrou Person, me yabrêmâ d'ar joayou,
 Me bedo evidoc'n Jesus-Christ hon Autrou.

Pa dleo un den dêc'h, pa yel eus ar bed mâ,
 Elec'h desirout droug, pedit Doue gantâ :
 Pedomp bepret ha meulomp ma zefont da repos
 Ha da veuli Doue en gloar ar Barados.

FIN.

 GUERZ AR GARNEL.

DEMP d'ar Garnel, Christenien, guelomp ar
 religou
 Eus hor breudeur, c'hoareset, hon tadou ha
 mamou,

Demeus hon amezeyen, hor brassa mignonet,
 Guelomp ar stat truezus e pini int rentet.

Guelet a reot anezo torret ha bruzunet,
 Ha memes an darnvuia a so e poultr rentet ;
 Ne veler mui o noblanç, o danvez, o guenet,
 Ar maro hac an douar o deus o distrujet.

Ar paour hac ar pinvidic, ar mestr hac arsujet,
 Oll e zint rentet henvel, oll int dizevelebet ;
 Ne zeus mui német esqern, poultr ha brei-
 nadurez,

Dign eus a gompation hac eus a bep truez.

Hoguen er stát truezus e pini int rentet.
 E parlantont e langach mud eloqant meurbet
 Ous peb-unan ac'hanomp, mar qeromp profita
 Qeit ma plijo gant Doue hon lezel er bed-mâ.

Clêvit eta anezo, ha grit attantion,
 En dezir da brofita eus a greis ho calon :
 Lavarat a rin deoc'h e zint bet er bed-mâ,
 Hac e varvfot evelto pa sonjot nebeuta.

Ni sobet var andouaro rën qercouls hac'houi,
 O parlant hac o vale, oc'h eva, o tebri,
 Ha cetu amâ breinâ er stat ma zomp rentet,
 Goude m'omp bet en douar o vezur ar préved.

M'oa un den crén ha galant, ha me un dijentil,
 Me voa un den pinvidic, ha me un den habil;
 Me meus collet va noblanç, ha me va oll danvez,
 Me va nerz ha va guenet, ha me va gouizieguéz.

N'honeus cavet er bed-mâ nemet hon œuvrou
 mad
 Da bresanti d'hor Barner, d'hon Roue ha d'hon
 Tad.

List eta madou'n douar, detestit ar viçou,
 Hac ornit mad hoc'h ene a bep seurt vertuziou.

Mar goulennit diganemp pelêc'hêthoneou,
 Niresponto: d'arpurgator, rac ounesê hor bro:
 E maint en tân o têvi vit peur-baea o dle
 Contractet var an douar da justic un Doue.

Eus a ouelet ar flammou ne cessont o crial,
 O c'houlén ho pedennou, ma ellint sortial
 Eus ar prisonniou teval e pere int tolet:
 Hastit, hastit d'o zicour, ha ne zaleit qet.

Dêc'h-hu en em adressomp, qerent ha mi-
 gnonet,
 Dagaout memor ac'hanomppa zeot dre ar vèret.
 Lavarit en eur dremen: Doue ra bardono
 D'aa anzon er purgator, rac honnes eo hor bro.

Un aluzen , ur beden grêt gant devotion ;
 Ur yun pe un oferen , pe ur gommunion .
 A ell calz hor soulagi , ha berrat hor poacion ,
 Hac on tenna en un instant a ouelet ar flamou .

C'houi , Bêleyen charitabl , en eus hor c'hun-
 duet

En hent hor silvidiguez , pa edomp var ar bed ,
 Continuit c'hoas un nebeut da gaout truez ou-
 zomp ,

Oe'h ober , dre drugarez , œuvrou mad evidomp .

Ispicial o pedomp pa deuit da celebri

An oferen en Ilis , clêvet neuze hor c'hri

Eus a ouelet ar flamou o c'houlen diganeoc'h

Ma teuot d'ober gant Doue dre'r sacrific hor
 peoc'h .

Ha p'or bezo peur-baet ar hoan dleet d'hor
 pec'het ,

Ni hor bezo deoc'h neuze digant Doue reqet .

Pedit , ni a rai ive ; en em sicouromp oll ,

Ennes vezo ar voyen ne dai den da goll .

Evel an dour o vouga an tan-goall alumet ,

An tan eus ar purgator a vez ive mouguet

Dre ar sacrific santel offret var an auter ,

Da c'houlen hon delivranç ous Doue hor Zalver .

Pazortian eolsquendus a zindan ar gouabren

Ar bed-oll en un instant a receo sclêrijen ;

Ni a zortio ive sclêr evel ar steret

Eus arpoaniou a souffromp dre'r sacrific offret .

Adieu, tadou ha mamou, breudeur ha c'hoar-
reset,

Adieu, qerent, mignonet, adieu d'êc'h tud ar
bed;

Ni a ra bremâ deoc'h hor c'himiad diveza;
Adieu deoc'h : qen a vo e traouyen Josapha.

Roit ar repos eternel, va Jesus, va Autrou,
D'an oll eneu decedet pere so er flammou
Ebars en ho parados da veuli da james
Assambles gant an oll Zent ha gant an oll Alez.

F I N.



E Montroulez, eus a Imprim. LÉDAN.